

ხელშეკრულება სახელმწიფო შესყიდვის შესახებ N100

ქ. თბილისი

18.04.2019 წელი

1. ხელშეკრულების დამდები მხარეები

ერთი მხრივ, საქართველოს იუსტიციის უმაღლეს საბჭოსთან არსებული სსიპ საერთო სასამართლოების დეპარტამენტი (შემდგომში „შემსყიდველი“), წარმოდგენილი მისი თავმჯდომარის მოადგილის, გიორგი კაკაურიძის სახით და მეორე მხრივ, შპს ესაბი (შემდგომში „მიმწოდებელი“), წარმოდგენილი აღმასრულებელი დირექტორის აკაკი ციმაკურიძის სახით საქართველოს მოქმედი კანონმდებლობისა და მიმწოდებლის სატენდერო წინადადების საფუძველზე, NAT190005757 ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

2. ხელშეკრულებაში გამოყენებულ ტერმინთა განმარტებები

- 2.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 2.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.3. „დღე“, „კვირა“, „თვე“ – კალენდარული დღე, კვირა, თვე, თუ სხვა მითითებას არ შეიცავს წინამდებარე ხელშეკრულება;
- 2.4. „შემსყიდველი“ – ორგანიზაცია, რომელიც ახორციელებს შესყიდვას.
- 2.5. „მიმწოდებელი“ – ფიზიკური ან იურიდიული პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.

3. ხელშეკრულების საგანი და ობიექტი

- 3.1 ფოტოასლების გადასაღები აპარატურის ნაწილებისა და კარტრიჯების სახელმწიფო შესყიდვა (CPV30125000; 30125100).
- 3.2. ხელშეკრულებით გათვალისწინებული შესყიდვის ობიექტის აღწერა მოცემულია ფასების ცხრილში, რომელიც ერთვის წინამდებარე ხელშეკრულებას და წარმოადგენს მის განუყოფელ ნაწილს.

4. ხელშეკრულების ღირებულება

- 4.1. საქონლის ერთეულის ფასი განისაზღვრება თანდართული ფასების ცხრილის მიხედვით;
- 4.2 ხელშეკრულების ჯამური ღირებულება შეადგენს 65`700 (სამოცდახუთი ათას შვიდასი) ლარს.
- 4.3 ხელშეკრულების ჯამური ღირებულება მოიცავს ხელშეკრულებით გათვალისწინებული შესყიდვის ობიექტის მიწოდებასთან დაკავშირებულ მიმწოდებლის ყველა ხარჯს და საქართველოს კანონმდებლობით დადგენილ ყველა გადასახადს.

5. გარანტია

- 5.1 ყველა პროდუქტზე უნდა ვრცელდებოდეს გარანტია მათ სრულად დაცლამდე/რესურსის ამოწურვამდე, ხოლო გამოყენებულ პროდუქტიაზე - მხარეთა შორის მიღება-ჩაბარების აქტის შედგენიდან 1 წელი.

- საგარანტიო ვადის განმავლობაში მიმწოდებელი უზრუნველყოფს წუნდებული საქონლის შეცვლას ახლით, მოთხოვნიდან არაუგვიანეს 5 სამუშაო დღისა.

- ამასთან, იმის გათვალისწინებით, რომ შესასყიდი ობიექტი გათვალისწინებულია მაღალი ხარისხის ტექნიკისთვის, შესყიდვის ობიექტის მიერ ტექნიკის დაზიანების შემთხვევაში, მათ შორის საღებავის/ფხვნილის ტექნიკაში ჩაყრის შემთხვევაში, მიმწოდებელი ვალდებულია აუნაზღაუროს შემსყიდველს ზიანი - საკუთარი ხარჯით შეაკეთოს დაზიანებული ტექნიკა შემსყიდველის მიმართვიდან არაუგვიანეს 10 სამუშაო დღისა.

5.2 ხელშეკრულების მოქმედების ვადის ამოწურვა არ ახდენს გავლენას საგარანტიო ვალდებულებებზე;

6. ხელშეკრულების შესრულების კონტროლი

6.1 მიმწოდებლის მიერ ხელშეკრულებით ნაკისრი ვალდებულების შესრულების კონტროლს შემსყიდველის მხრიდან განახორციელებს - სსიპ საერთო სასამართლოების დეპარტამენტის ინფორმატიზაციისა და კავშირგაბმულობის სამმართველოს მთავარი სპეციალისტი - თორნიკე ქამხაძე;

6.2. შემსყიდველი უფლებამოსილია, ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება.

7. შესყიდვის ობიექტის მიღება-ჩაბარების წესი

7.1. საქონლის მიღება-ჩაბარება დასტურდება შესაბამისი მიღება-ჩაბარების აქტით, რომელსაც ადგენენ და ხელს აწერენ მხარეთა უფლებამოსილი წარმომადგენლები, შესაბამის ეტაპზე ფაქტობრივად მიღებული საქონლის შესაბამისად.

7.2. შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირია სსიპ საერთო სასამართლოების დეპარტამენტის ლოჯისტიკის სამსახურის უფროსი - ზვიად მაბირაძე;

8. საქონლის მიწოდების პირობები

8.1 მიწოდების ვადა: ხელშეკრულების ძალაში შესვლის დღიდან არაუგვიანეს 45 კალენდარული დღის განმავლობაში. ვინაიდან მიწოდების ბოლო დღე ემთხვევა არასამუშაო დღეს, მიწოდების ვადა გადაიწევს პირველივე სამუშაო დღეზე.

8.2 მიწოდების ადგილი: ქ. თბილისი, ძმები ზუბალაშვილების #32 ან/და ჭონქაძის 10ა - სსიპ საერთო სასამართლოების დეპარტამენტის საწყობი. (შემსყიდველის მოთხოვნის შესაბამისად).

8.3 შემოთავაზებული კარტრიჯი დამზადებული უნდა იყოს ქარხნული წესით, უნდა იყოს ახალი (არა გადამუშავებული, არა აღდგენილი), შეესაბამებოდეს საქონლის მწარმოებლის მიერ მოცემულ პარამეტრებს (სიგანე, სიღრმე, სიმაღლე, ბეჭდვის ფერი, ბეჭდვის რესურსი და ა.შ.). მოთხოვნილი პროდუქცია უნდა იყოს შეფუთული ბრენდირებულ მუყაოს ყუთში, უნდა იკითხებოდეს უშუალოდ კარტრიჯის დასახელება (მოდელი) და სასურველია იკითხებოდეს თავსებადი პრინტერის/პრინტერების მოდელი. შემოთავაზებული პროდუქცია მოთავსებული უნდა იყოს ეგრეთ წოდებულ "აირბაგში" ან ყუთში სპეციალურად მოწყობილ დამცავ ჩასადებში და პოლიეთილენის პარკში. უშუალოდ კარტრიჯებზე დატანილი უნდა იყოს უნივერსალური შტრიხ კოდი, რაც განასხვავებს კარტრიჯებს ერთმანეთისაგან.

9. ანგარიშსწორება

9.1. ანგარიშსწორება განხორციელდება ეროვნულ ვალუტაში - ლარში;

9.2. ანგარიშსწორების ფორმა - უნაღდო;

9.3 ანგარიშსწორება განხორციელდება მხარეთა შორის მიღება-ჩაბარების აქტის შედგენის საფუძველზე 10 სამუშაო დღის ვადაში;

9.4. დაფინანსების წყარო: 2019 წლის სახელმწიფო ბიუჯეტი.

10. ხელშეკრულებაში ცვლილება

- 10.1. ხელშეკრულების ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე;
- 10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა, არაუმეტეს ხელშეკრულების თავდაპირველი ჯამური ღირებულების 10%-ისა. ხელშეკრულების გადასინჯვა ხდება საქართველოს კანონმდებლობით დადგენილი წესით;
- 10.3. მხარეების მიერ წინამდებარე ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რის შესახებაც არანაკლებ 5 კალენდარული დღით ადრე წერილობითი ფორმით ან კომუნიკაციის ელექტრონული საშუალებების გამოყენებით უნდა შეატყობინოს მეორე მხარეს;
- 10.4. ხელშეკრულება შეიძლება ასევე შეწყდეს მხარეთა ინიციატივით, ურთიერთშეთანხმების საფუძველზე.

11. ფორს-მაჟორი

- 11.1. ხელშეკრულების, რომელიმე მხარის მიერ ხელშეკრულების პირობების შეუსრულებლობა არ განიხილება ხელშეკრულების პირობების დარღვევად თუ შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოებების შედეგი;
- 11.2. ამ ხელშეკრულების მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან გამოწვეული მხარეების შეცდომებთან და დაუდევრობებთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, ეპიდემიით და სხვა გარემოებებით;
- 11.3. ფორს-მაჟორული გარემოების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

12. მხარეთა ურთიერთობა

- 12.1. შემსყიდველი ვალდებულია უზრუნველყოს მოწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;
- 12.2. მიმწოდებელი უფლებამოსილია მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებულ ვადებში;
- 12.3. მიმწოდებელი ვალდებულია:
- ა) შეასრულოს ხელშეკრულებით ნაკისრი ვალდებულება სათანადო ხარისხისა და სრული მოცულობით;
 - ბ) იმ შემთხვევაში, თუ რომელიმე პარამეტრი არ შეესაბამება ხელშეკრულებით გათვალისწინებულ „შემსყიდველი“-ს მოთხოვნებს, საკუთარი სახსრებით აღმოფხვრას აღმოჩენილი ხარვეზი და წარმოადგინოს სრულყოფილი ვარიანტი;

13. ხელშეკრულების პირობების შეუსრულებლობა

- 13.1. ფორს-მაჟორული გარემოებების გარდა, საქონლის მიწოდების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე, დაგვიანებითი მიწოდებული საქონლის ღირებულების 0.02 %-ს.

13.2. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების საერთო ღირებულების 5%-ს, შემსყიდველს უფლება აქვს ცალმხრივად შეწყვიტოს ხელშეკრულება.

13.3. სახელშეკრულებო ვალდებულებების სრულად ან ნაწილობრივ შეუსრულებლობის შემთხვევაში, შემსყიდველი უფლებამოსილია შეწყვიტოს ხელშეკრულება და დააკისროს მიმწოდებელს პირგასამტეხლოს ხელშეკრულების შეუსრულებელი ნაწილის ჯამური ღირებულების 5%-ის ოდენობით.

13.4. გადახდის ვადის გადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო, ყოველ ვადაგადაცილებულ დღეზე გადაუხდელი თანხის 0,02 %-ის ოდენობით.

13.5 პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

14. ხელშეკრულების მოქმედების ვადა

ხელშეკრულება ძალაში შედის მხარეთა მიერ მისი ხელმოწერის თარიღიდან და მოქმედებს 2019 წლის 31 დეკემბრის ჩათვლით.

15. დამატებითი პირობები

14.1. მხარეები პასუხს აგებენ ხელშეკრულებით ნაკისრი ვალდებულებების შეუსრულებლობისათვის და/ან არაჯეროვანი შესრულებისათვის საქართველოს კანონმდებლობით დადგენილი წესით;

14.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი ეგზემპლარი მიმწოდებელთან და ორი ეგზემპლარი - შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

14.3. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

16. მხარეთა რეკვიზიტები:

შემსყიდველი:

საქართველოს იუსტიციის უმაღლეს საბჭოსთან
არსებული სსიპ საერთო სასამართლოების
დეპარტამენტი
მის.: ქ. თბილისი, ძმები ზუბალაშვილების ქ. №32
ს/კ 203860642

მიმწოდებელი:

შპს ესაბი
მის: ქ.თბილისი; ჭავჭავაძის 37დ
ს/კ 204378173
ს/ს პროკრედიტ ბანკი
ა/ა: GE30PC0053600100013098

გიორგი კაკაურიძე
თავმჯდომარის მოადგილე

აკაკი ციმაკურიძე
აღმასრულებელი დირექტორი



ESABI

პრეტენდენტი: შპს "ესაბი", ს/კ: 204378173

ფასების ცხრილი

№	ტექნიკა რომლისთვისაც განკუთვნილია შეყიდვის ობიექტი	საქონლის დასახელება	მწარმოებელი ან/და სასაქონლო ნიშანი, მოდელი;	რაოდ.	ერთ. ფასი (ლარი დღვ-ს ჩათვლით)	საერთო ღირ. (ლარი დღვ-ს ჩათვლით)	რეესტრისი 5% დაფარებით არანაკლებ
1	2	3	4	5	6	7	8
1	Xerox WC 4265	Dual Pack Toner Cartridge, ორმაგი შეფუთვის ტონერ კარტრიჯი	Xerox co./ 106R03103	40	496.00	19840.00	50000
2	Xerox WC 4265	SMart Kit Drum, დრამი	Xerox co./ 113R00776	15	614.00	9210.00	100000
3	Xerox WC 4265	220V Fuser Maintenance Kit, საშრობის კვანძი 220ვ.	Xerox co./ 115R00087	2	523.00	1046.00	250000
4	Xerox WC 5945	Toner Cartridge (x2), ტონერ კარტრიჯი (x2)	Xerox co./ 006R01606	20	234.00	4680.00	88000
5	Xerox WC 5945	Drum Cartridge, დრამ კარტრიჯი	Xerox co./ 013R00669	10	661.00	6610.00	200000
6	Xerox VersaLink B605	Toner Cartridge, ტონერ კარტრიჯი	Xerox co./ 106R03945	10	675.00	6750.00	46700
7	Xerox VersaLink B605	Drum Cartridge, დრამი	Xerox co./ 101R00582	5	251.00	1255.00	60000
8	Xerox VersaLink B7035	Toner Cartridge, ტონერ კარტრიჯი	Xerox co./ 106R03396	20	212.00	4240.00	31000
9	Xerox VersaLink B7035	Drum Cartridge, დრამ კარტრიჯი	Xerox co./ 113R00779	6	687.00	4122.00	80000
10	Xerox VersaLink B7035	Fuser Module, საშრობის მოდული	Xerox co./ 115R00115	2	718.00	1436.00	175000
11	Xerox 2020	Toner Cartridge K, შავი ფერის ტონერ კარტრიჯი	Xerox co./ 006R01693	10	131.00	1310.00	9000

12	Xerox 2020	Toner Cartridge Y. ყვითელი ფერის ტონერ კარტრიჯი	Xerox co./ 006R01696	10	102.00	1020.00	3000
13	Xerox 2020	Toner Cartridge M. წითელი ფერის ტონერ კარტრიჯი	Xerox co./ 006R01695	10	102.00	1020.00	3000
14	Xerox 2020	Toner Cartridge C. ლურჯი ფერის ტონერ კარტრიჯი	Xerox co./ 006R01694	10	102.00	1020.00	3000
15	Xerox 2020	Drum Cartridge CMYK. დრამ კარტრიჯი (ლწმ. ყოველი აღნიშნული ფერისათვის)	Xerox co./ 013R00677	5	291.00	1455.00	76000
16	Xerox 2020	Waste Toner bottle. გადამუშავებული ტონერის კონტეინერი.	Xerox co./ 008R13215	7	98.00	686.00	15000
ჯამური ღირებულება: 65700.00 (სამოცდახუთი ათასი შვიდათი ოცადი) ლარი, დღგ-ს ჩათვლით							65700.00

საქონლის მიწოდების ვადები: ხელშეკრულების გაფორმებიდან არაუგვიანეს 45 კალენდარული დღის განმავლობაში, თუ მიწოდების ბოლო დღე ემთხვევა არასამუშაო დღეს, მიწოდების ვადა გადაინეშეს პირველივე სამუშაო დღეზე.

შესყიდვის ობიექტის მიწოდების ადგილი: ქ. თბილისი, ძმები მუხომეიშვილების #32 ან/და ქ. თბილისი, ჭიჭიჭაძის 10ა - სსიპ საერთო სასამართლოების დეპარტამენტის საწყობი (შესყიდვების მოთხოვნის შესაბამისად).

საგარანტიო პირობები: ყველა პროდუქტზე გრძელდება გარანტია მათ სრულად დაცლამდე/რესურსის ამოწურვამდე, ხოლო გამოყენებულ პროდუქტებზე - მხარეთა შორის მიღება-ჩაბარების აქტის შედგენიდან 1 (ერთი) წელი.

- საგარანტიო ვადის განმავლობაში მიმწოდებელი უზრუნველყოფს წუნდებული საქონლის შეცვლას ახლით, მოთხოვნიდან არაუგვიანეს 5 სამუშაო დღისა.
- ამასთან, იმის გათვალისწინებით, რომ შესყიდი ობიექტი გათვალისწინებულია მაღალი ხარისხის ტექნიკისთვის, შესყიდვის ობიექტის მიერ ტექნიკის დამიანების შემთხვევაში, მათ შორის საღებავის/ფხვნილის ტექნიკაში ჩაყრის შემთხვევაში, მიმწოდებელი ვალდებულია აუზამდელროს შემსყიდველს ზიანი - საკუთარი ხარჯით მუშაკეთის დაზიანებული ტექნიკა შემსყიდველის მიმართედან არაუგვიანეს 10 სამუშაო დღისა.

პრეტენდენტის ხელმოწერა:
აღმასრულებელი დირექტორი
აკაკი ციმაკურიძე

Digitally signed
by LLC Esabi
Date:
2019.03.29
18:12:04 +04'00'